








২২৭

Shary R

ইতিমধ্যে প্রকাশিত হয়েছে পঞ্চদশ বছর বয়সে

২৩, হারিসন রোড, কলিকাতা ১



নতুন  
সংস্করণ :  
৭ই আষাঢ়, ১৩৩১

তিন টাকা

প্রচ্ছদসজ্জা :  
অজিত গুপ্ত

প্রকাশক : শ্রীজিতেন্দ্রনাথ মুখোপাধ্যায়, বি. এ.  
৯৩, হারিসন রোড, কলিকাতা ৭

মুদ্রাকর : শ্রীত্ৰিদিবেশ বহু, বি. এ.  
কে. পি. বহু প্রিণ্টিং ওয়ার্কস্  
১১, মহেন্দ্রগোবিন্দো লেন, কলিকাতা ৬

উৎসর্গ

শ্রীঅচিন্ত্যকুমার সেনগুপ্ত

পরম বন্ধুবরেণু—





## সূচীপত্র

বিষয়	পৃষ্ঠা
১) লক্ষ্যভ্রষ্ট	১
এ মাটির ঢেলা কবে কে ছুড়িল সূর্যের পানে ভাই	
২) সূদূরের আহ্বান	৩
অগ্নি-আখরে আকাশে যাহারা লিখিছে আপন নাম	
৩) কবি	৬
আমি কবি যত কামারের আর কাঁসারির আর ছুতোরের,	
৪) সেতু	৯
বিরাট সেতু সে এধারের সাথে ওধার জুড়িতে চায়,	
৫) বেনামী বন্দর	১১
মহাসাগরের নামহীন কূলে	
৬) মাটির ঢেলা	১৩
মাটির ঢেলা, মাটির ঢেলা,	
৭) নমস্কার	১৫
জীবন-বিধাতা আজি বিদ্রোহীর লহ নমস্কার !	
৮) স্বপ্নদোল	১৭
জীবন-শিয়রে বসি স্বপ্ন দেয় দোল,—	
৯) দেবতার জন্ম হ'ল	১৯
দেবতার জন্ম হ'ল ।	
১০) 'দ্বার খোল'	২২
'দ্বার খোল, খোল দ্বার, রাত্রির গ্রহরী !'	
১১) অপূর্ণ	২৪
সেখা তুমি পূর্ণ ছিলে	
১২) প্রার্থনা	২৬
আজ আমি চলে যাই	



বিষয়	পৃষ্ঠা
১৩) মৃত্যুরে কে মনে রাখে ?	৩০
মৃত্যুরে কে মনে রাখে ?	
১৪) আশীর্বাদ	৩২
আজি এই প্রভাতের আশীর্বাদ খানি,	
১৫) ভাড়াটে কুঠি	৩৫
ভাড়াটে কুঠি !	
১৬) কাগজ বিক্রি	৩৭
হাঁকে ফিরিওলা—কাগজ বিক্রি,	
১৭) নমো নমো	৪০
নমো নমো নমো !	
১৮) ফিরে আসি যদি	৪২
ফের যদি ফিরে আসি ;	
১৯) নটরাজ	৪৫
জীবন-মহাদেবের নৃত্য দেখতে কি পাস, শুনি স্মৃতি কানে ?	
২০) নেপথ্য	৪৭
কাগজের বুকে বিঁধে কলমেব রুঢ় নখর,	
২১) মেঘলা মোহ	৪৯
সার্সিতে জল-সারেঙ বাজে,	
২২) নাহি ভয়	৫১
ওরা ভয় পায় ।	
২৩) ইহবাদী	৫২
এই ভুবনের মধুর দিনের পথিক যত,	
২৪) যৌবন-বারতা	৫৭
এস নারী,	
২৫) বিস্মৃতি	৫৯
যাযাবর হাঁস নীড় বেঁধেছিল বন-হংসের প্রেমে,	

বিষয়	পৃষ্ঠা
২৬) স্মৃতি	৬০
আর বরষের পথিক-পাখীর পায়ের চিহ্নখানি,	
২৭) লুপ্ত	৬১
তৃতীয় প্রহরে চাঁদ উঠেছিল নগর-শিখর ছুঁয়ে ;	
২৮) তুমি	৬২
কালো দীঘিজল, তারি স্নানীতল মায়া তব ছুটি চোখে ;	
২৯) মানে	৬৩
মানুষের মানে চাই—	
৩০) সংশয়	৬৪
মনে করি ভালবাসব ।	
৩১) রাস্তা	৬৬
আজ এই রাস্তার গান গাইব,—এই নগরের শিরা উপশিরার ।	
৩২) পাঁওদল	৭১
পায়ের শব্দ শুনতে পাও ?	









এ মাটির ঢেলা কবে কে ছুড়িল সূর্যের পানে ভাই  
 পৃথিবী যাহার নাম ?  
 লক্ষ্যভ্রষ্ট চিরদিন সে যে ঘুরিয়া ঘুরিয়া ফেরে  
 সূর্যেরে অবিরাম ।

তারি সন্ততি, আমাদেরও ভাই ব্যর্থ যে সন্ধান,  
 লক্ষ্য গিয়াছি ভুলি ;  
 মোদের সকল স্বপনের গায় জানি না কেমন করি'  
 লেগেছে মলিন ধূলি ।

মাটি ও পাথর কাটি' আর কুঁদি' দেবতা গড়িছু ঢের,  
 মাগিলাম কল্যাণ ;  
 বেদীমূলে তার তবু শোণিতের দাগ লেগে থাকে ভাই,  
 —দেবতার অপমান !

কত জীবনের কত সমাধির সমিধ্ লইয়া ভাই,  
 যে আলো জ্বালায়ে তুলি,  
 দেখি তার জ্যোতি বিফলে মিলায়, নাচে শুধু ভয়াবহ  
 সর্পিল শিখাগুলি ।

প্রথমা

রাখিবন্ধনে বাঁধি যাহারে, তাহারে পরাই বেড়ি,  
—সে মোর আপন ভাই !  
জীবন যাহারে ঘিরি' গুঞ্জরে, তারি সূর্যের আলো  
ছুই হাতে আগলাই ।

তারকা-লোকের জেনেছি ছন্দ, সূর্যোদয়ের বাণী,  
সৃজিয়াছি ভালবাসা ;  
তবু হিংসার অন্ধ কারায় সভয়ে লালন করি  
শুধু বাঁচিবার আশা !

পথভ্রান্ত দেবতা মোদের, নয়নে অমৃত-ভাতি  
হিংস্র নখর হাতে ;  
জানি তার বাণী সর্বনাশিনী, তবুও চলিতে হবে  
তারি মুক ইশারাতে ।

লক্ষ্যভ্রষ্ট পৃথিবীর ভাই সে আদিম অভিষাপ  
বহি মোরা চিরদিন ;  
আকাশের আলো যত করি জয়, মিটিবে না কভু তাই  
আদি পঙ্কের ঋণ ।



অগ্নি-আখরে আকাশে যাহারা লিখিছে আপন নাম,  
চেন কি তাদের ভাং ?

হুই তুরঙ্গ জীবন-মৃত্যু জুড়ে তারা উদ্দাম,  
ছুয়েরি বন্না নাই !

পৃথিবী বিশাল তারা জানিয়াছে, আকাশের সীমা নাই,  
ঘরের দেওয়াল তাই ফেটে চৌচির ।  
প্রভঞ্নের বিবাগী মনের দোলা লেগে নাচে ভাই,  
তাদের হৃদয়-সমুদ্র অস্থির !

বলি তবে ভাই শোন তবে আজ বলি,  
অন্তরে আমি তাদেরই দলের দলী ;  
রক্তে আমার অমনি গতির নেশা ;  
নাসায় অগ্নি স্ফুরিছে যাহার, বিজলী ঠিকরে স্কুরে  
আমি শুনিয়াছি সেই হয়রাজের হ্রেষা !

যে শোণিতধারা ঘুমায়ে কাটাল পুরুষ চতুর্দশ,  
দেখি আজো ভাই লাল তার রঙ তাজা তার জৌলস !  
আজো তার মাঝে শুনি সে প্রথম সাগরের আহ্বান ;  
করি অনুভব কল্পনাভীত সৃষ্টির উষা হতে,  
তার জয় অভিযান !



প্রার্থনা

তপতী কুমারী মরু আজ চাহে প্রথম পায়ের ধূলি ।  
অজানা নদীর উৎস ডাকিছে ঘোমটা আধেক খুলি ।  
নিসঙ্গ গিরিচূড়া,  
তুহিন তুষার-শয়নে আমারে স্মরিছে বিরহাতুরা ।

উত্তব মেরু মোরে ডাকে ভাই, দক্ষিণ মেরু টানে,  
ঝটিকার মেঘ মোরে কটাক্ষ হানে ;  
গৃহ-বেষ্টনে বসি,  
কখন প্রিয়ার কণ্ঠ বেড়িয়া হেরি পূর্ণিমা-শশী ।

সুশীতল ধারা নদীটি বলুক মন্ত্রে তব তীরে,  
গৃহবলিভুক্ পারাবতগুলি কুজন করুক ঘিরে,  
পালিত তরুর ছায়ে থাক্ ঢাকা তোমাদের গৃহখানি,  
স্তোত্র রচিও, যদি পার তব প্রিয়ার আঁখি বাখানি' ।  
ছোট এই আশা, সুখ,  
ঈর্ষা করি না, ঘৃণা নহে ভাই, শুধু নহি উৎসুক ।

মনের গ্রন্থি জটিল বড় যে, খুলিতে সহে না তর ;  
সোহাগের ভাষা কখন শিখি যে নাই মোটে অবসর ;  
শুনে কাল হ'ল ভাই,  
অরণ্য-পথ গভীর গহন, সাগরের তল নাই !

## স্বপ্নের আত্মান

অগ্নি-আখরে আকাশে যাহারা লিখিছে আপন নাম,  
আমি যে তাদের চিনি ।

তুই তুরঙ্গ তাহাদের রথে, উদ্ধত উদ্দাম,  
—শোন তার শিজিনী ।

মোদের লগ্ন-সপ্তমে ভাই রবির অট্টহাসি,

জন্ম-তারকা হয়ে গেছে ধূমকেতু !

নৌকা মোদের নোঙর জানে না,

শুধু চলে স্রোতে ভাসি—

কেন যে বুঝি না, বুঝিতে চাহি না হেতু !





আমি কবি যত কামারের আর কাঁসারির আর ছুতোরের,  
 মুটে মজুরের,  
 —আমি কবি যত ইতরের !

✓ আমি কবি ভাই কর্মের আর ঘর্মের ;  
 বিলাস-বিবশ মর্মের যত স্বপ্নের তরে ভাই,  
 সময় যে হয় নাই !

মাটি মাগে ভাই হলের আঘাত,  
 সাগর মাগিছে হাল,  
 পাতাল-পুরীর বন্দিনী ধাতু,  
 মানুষের লাগি কাঁদিয়া কাটায় কাল,  
 হ্রস্ব নদী সেতুবন্ধনে  
 বাঁধা যে পড়িতে চায়,  
 নেহারি আলসে নিখিল মাধুরী  
 সময় নাহি যে হয় !

মাটির বাসনা পুরাতে ঘুরাই  
 কুস্তকারের চাকা,  
 আকাশের ডাকে গড়ি আর মেলি  
 দুঃসাহসের পাখা,  
 অভ্রংলিহ মিনার-দস্ত তুলি,  
 ধরণীর গূঢ় আশার দেখাই উদ্ধত অঙ্গুলি !

কবি

জাক্রি কাটান জানালায় বুঝি  
পড়ে জ্যোৎস্নার ছায়া,  
প্রিয়ার কোলেতে কাঁদে সারঙ্গ  
ঘনায় নিশীথ মায়া ।  
দীপহীন ঘরে আধো নিমিলিত  
সে ছ'টি আঁখির কোলে,  
বুঝি ছুটি কোঁটা অশ্রুজলের  
মধুর মিনতি দোলে,  
সে মিনতি রাখি সময় যে হয় নাই ;  
বিশ্বকর্মা যেথায় মত্ত কর্মে হাজার করে  
সেথা যে চারণ চাই !

আমি কবি ভাই কামারের আর কাঁসারির  
আর ছুতোরের, মুটে মজুরের,  
—আমি কবি যত ইতরের ।

কামারের সাথে হাতুড়ি পিটাই,  
ছুতোরের ধরি তুরপুন,  
কোন্ সে অজানা নদীপথে ভাই  
জোয়ারের মুখে টানি গুণ ।  
পাল তুলে দিয়ে কোন্ সে সাগরে,  
জাল ফেলি কোন্ দরিয়ায় !  
কোন্ সে পাহাড়ে কাটি স্রুঙ্গ,  
কোথা অরণ্য উচ্ছেদ করি ভাই  
—কুঠার ঘায় ।

প্রথমা

সারা ছনিয়ার বোকা বই আর খোয়া ভাঙি  
আর খাল কাটি ভাই, পথ বানাই,  
স্বপ্নবাসরে বিরহিণী বাতি  
মিছে সারারাতি পথ চায়,  
হায় সময় নাই !



বিরাট সেতু সে এখারের সাথে ওধার জুড়িতে চায়,  
 সে সেতু হয়েছ পার ?  
 এ-ধারে তাহার আলো জ্বলে না ক' ওধারে অন্ধকার ;  
 —সেতু সে বৃহদাকার !

এখারে যাহার মাটির দম্ভ, ওধারে মাটির মায়া,  
 পদতলে যার অশ্রুর মত জল,  
 সে সেতু নহে ক', বিবাহ দেয়নি এপারে ওপারে ভাই,  
 রাখিবন্ধন নহে, শুধু শৃঙ্খল ;  
 এখারে ওধারে জুড়ে দিতে চায় কঠিন বাঁধনে ভাই—  
 সেতু সে বিপুল-বল !

ফুল হ'তে ফলে যে গোপন সেতু—  
 জানি রহস্য তার ;  
 তারা হ'তে তারা' যে সেতু উতরে  
 লজ্জি অন্ধকার,  
 তারো সন্ধান মেলে কিছু কিছু—  
 নিশীথ রাত্র ভরি ;  
 শুধু এ সেতুর হেতু জানি না কো  
 উতরিতে ভয়ে মরি ।

## প্রথম

সব কিছু সে যে পার হয়ে চলে তবু কোথা নাহি পার,  
                    ভীর নাহি মিলে সেতু সে নিরুদ্দেশ !  
কঠিন বাঁধনে সব কিছু বাঁধে তবু লাগে না ক' জোড়া,  
                    যোজনার মাঝে বেদনার রহে রেশ !  
সূর্যের পানে উদ্ধত তার যাত্রার শুরু ভাই,  
                    অতল আঁধারে উৎরাই তার শেষ !

বিরাত সেতু সে লজ্জিতে চায় শিশির-কণিকাটিরে,  
                    সে সেতু হয়েছে পার ?  
এধারে তাহার বক্ষ্যা ধরণী, অন্ধ আকাশ শিরে,  
                    —সেতু সে ব্যর্থতার !



মহাসাগরের নামহীন কূলে  
 হতভাগাদের বন্দরটিতে ভাই,  
 জগতের যত ভাঙা জাহাজেব ভীড় !  
 মাল বয়ে বয়ে ঘাল হ'ল যারা  
 আর যাহাদের মাস্তুল চোঁচিব,  
 আর যাহাদের পাল পুড়ে গেল  
 বুকের আগুনে ভাই,  
 সব জাহাজের সেই আশ্রয়-নীড় ।

কূলহীন যত কালাপানি মথি'  
 লোনা জলে ডুবে নেয়ে,  
 ডুবো পাহাড়ের গুঁতো গিলে আব  
 ঝড়ের ঝাঁকুনি খেয়ে,  
 যত হয়রান লবেজান তবী  
 বরখাস্ত হ'ল ভাই,  
 পাজরায় খেয়ে চিড়;  
 মহাসাগরের অখ্যাত কূলে  
 হতভাগাদের বন্দরটিতে ভাই,  
 সেই—অথর্ব ভাঙা জাহাজেব ভীড় ।

ছুনিয়ায় কড়া চোঁকিদারী যে ভাই  
 ছুঁসিয়ার সদাগরী,



হালে যার পানি মিলে নাক' আর, তারে  
যেতে হবে চুপে সরি !

কোমরের জোর কমে গেল যার ভাই,  
ঘুণ ধরে গেল কাঠে, আর যার  
কল্‌জেটা গেল ফেটে,  
জনমের মত জ্বম হ'ল যে যুঝে ;  
সওদাগরের জেটিতে জেটিতে  
খাতাঙ্গি-খানা ঢুঁড়ে,  
কোন দপ্তরে ভাই,  
খারিজ তাদের নাম পাবে নাক' খুঁজে !

মহাসাগরের নামহীন কূলে  
হতভাগাদের বন্দরটিতে ভাই  
সেই সব যত ভাঙা জাহাজের ভীড়,—  
শিরদাঁড়া যার বেঁকে গেল  
আর দড়াদড়ি গেল ছিঁড়ে  
কজা ও কল বেগড়াল অবশেষে,  
জৌলস গেল ধুয়ে যার আর  
পতাকাও পড়ে ছুয়ে ;  
জোড় গেল খুলে,  
ফুটো খোলে আর রইতে যে নারে ভেসে,  
—তাদের নোঙর নামাবার ঠাই  
ছনিয়ার কিনারায়,  
—যত হতভাগা অসমর্থের নির্বাসিতের নীড় !



মাটির ঢেলা, মাটির ঢেলা,  
 রঙ দিলে কে তোর গায়ে ?  
 গড়্লে তোরে কোন্ আদলের ছাঁচে ?  
 ভুখ্ দিলে যে বুক দিলে যে  
 ছুখ্ দিতে সে ভুলল না,  
 মৃত্যু দিলে লেলিয়ে পাছে পাছে ।

কোন্ মেলাতে সাজিয়ে দিলে  
 বিকিয়ে দিলে কার হাতে ?  
 কোন্ খেলার খেলনা তুই হায়রে !  
 কোলের 'পরে ছলিস্ কভু  
 মাটির 'পরে যাস্ পড়ে—  
 মলিন ধূলা লাগে সকল গায় রে !

আঘাত পেলে বুক ফাটে তোর,  
 চোখের জলে যাস্ গলে,  
 চোট খেয়ে তুই নুটিয়ে পড়িস্ ভুঁয়ে  
 কান্না হাসির দোলা লাগে,  
 রঙ যা কিছু যায় চটে,  
 বর্ষাধারায় যায় রে সে যায় ধুয়ে ।

মাটির ঢেলা

মাটির ঢেলা, মাটির ঢেলা,

ভাঙছে তোরে তোর মাটি,

টান্ছে আপন স্নেহ-শীতল কোলে ।

ঢেউ-এর 'পরে জীবন-ভেলা

এমন সেথা ছল্বে না,

ভিড়্বে না কো ভীড়ের হট্টগোলে ।

ব্যাঘাত নাহি আঘাত নাহি

খাম্খেয়ালির নেই খেলা,

নেইক মরণ-ভয়ের ভীষণ ভুরকুটি ।

বৃষ্টি-পরশ-সরস-দেহে

জাগবে তৃণ হয়ত রে,

একটি ছোট উঠবে কুসুম ফুটি ।

মাটির ঢেলা, মাটির ঢেলা,

ভুল্লে তোর চল্বে না,

তুই যে মাটি চিরকালের মাটি ।

হঠাৎ কারিকরের হাতে

যদি বা রঙ যায় লেগে,

মাটি রে তুই মাটিই তবু খাঁটি ।





জীবন-বিধাতা আজি বিদ্রোহীর লহ নমস্কার !  
লহ এই প্রীতিহীন প্রণিপাতখানি ।

ক্ৰীতদাস মানবের মৃত্যু-পুর হ'তে,  
আজি কমণ্ডলু ভরি'  
আনিয়াছি স্বেদ ও শোণিত,  
—পূত পূজা-বারি ।

আনিয়াছি পুঞ্জিত কালিমা  
লেপিতে ললাটে তব চন্দন বিহনে,—  
পূজা তব আজি বিপরীত !  
বিশ্বজোড়া হাহাকারে বাজে আজ নব-স্তোত্র তব,  
অভিনব স্তুতি ;  
চিতাগ্নিতে অপকপ আরতি তোমার,  
ভস্মশেষে নৈবেদ্য নূতন ।

নশ্বর মৃত্তিকা গেহে,  
জর্জর তৃষিত দীন, যত নরনারী,  
ধূলির মলিন অঙ্কে ধূলিসম শেষে,  
বিদায় লইয়া গেল  
গোপনে ফেলিয়া অশ্রুবারি ;  
তাহাদের সব ব্যথা, সব গ্রানি, জ্বালা, অভিশাপ,  
পাপ, তাপ, লজ্জা, ভয়, কুণ্ঠা ও ক্রন্দন,

প্রথমা

প্রতি ক্ষুদ্র দিবস-রাত্রির যুগিত জীবন-যাত্রা,—

কলঙ্ক হতাশা আর কদর্য কলুষ,

সযতনে করিয়া চয়ন,

এ মোর প্রণামখানি করিছু বয়ন ।

সেই নমস্কার,

তোমাতে অর্পিছু আজি হে জীবন-বিধাতা আমার !



জীবন-শিয়রে বসি স্বপ্ন দেয় দোল,—

ওরে ব্যর্থ-ব্যথাতুর,

সে মিথ্যায় মত্ত হয়ে সত্য তোর ভোল ।

ব্যথিত স্বাসের বাষ্পে ইন্দ্রধনু রচি ইন্দ্রজালে,  
যদি সে মৃত্যুর মরু মরীচিকা সৃজিয়া সাজালে,  
অনন্ত মৌনতা মাঝে কাতর দরদী,

এক কণা সুর লাগি

এত করি সাধিল সে যদি,

সৃষ্টির পাণ্ডুর ওষ্ঠে শীতল তিক্ততা,

অন্তরের নির্মম রিক্ততা,

ক্ষণিকের অপ্রচুর

শীর্ণ শুষ্ক হাসির ছলনা দিয়া রাখিতে আবরি,

এত সকাতর ব্যর্থ চেষ্টা যার

শুধু তার সঙ্করণ প্রেমটিরে স্মরি,

আজি তবে সযতনে হাশু টানি ব্যথায়ান মুখে,

নিদারুণ কপট কৌতুকে,

রঙীন বিবের পাত্র ওষ্ঠে তুলি ধরি

যাব পান করি ।

অবিশ্বাসী প্রিয়ারেও অসঙ্কোচে দিব আলিঙ্গন,

যে অধর করিল বঞ্চনা,

তাহারেও করিব চুম্বন ।

## প্রথম

যে আশার ম্লান দীপখানি,  
তিমির রাত্রির তীরে আতঙ্কে শিহরি  
বহুক্ষণ নিভে গেছে জানি,  
তারি আলোঁ আছে করি ভান,  
কণ্টকিত লক্ষ্যহীন পথে নিরুদ্দেশে করিব প্রয়াণ  
—মিথ্যা অভিযান ।

যে প্রেম জীবনে কভু মুঞ্জরে না, তারি মৃতমূলে  
সমস্ত জীবন-রস  
নিঙাড়িয়া সঁপি দিব, জ্ঞাতসারে ভুলে,  
মর্মগ্রস্থি খুলে ।  
ছল করি ভালোবাসি জরা-শোক-জর্জরিত  
মূল্যহীন এ মাটির শব,  
আগ্নেয় আয়ুর দ্বীপে ক্ষণকাল তরে  
তার লাগি আয়োজিব মিথ্যা মহোৎসব

যদিও সকল হাস্য-ফেনপুঞ্জতলে  
জানি ক্ষুর ব্যথা-সিদ্ধ দোলে ;  
যদিও অশ্রুর মূল্যে কোন স্বর্গ মিলিবে না জানি,  
হাসি-অশ্রু-উচ্ছলিত তবুও রঙীন  
এ বিশ্বাদ জীবনের বিষপাত্রখানি  
ওষ্ঠে তুলি ধরি,  
নিঃশেষিয়া যাব পান করি,—  
শুধু তার সযতন অনুরাগ স্মরি  
জীবন-শিয়রে বসি দোলা দেয় যে স্বপ্ন-সুন্দরী ।



দেবতার জন্ম হ'ল ।

দেবতার জন্ম হ'ল, সুপবিত্র সুন্দর প্রভাতে

মাটির কোলের 'পরে—

মার বুকে,

বিধাতার আশীর্বাদ লয়ে ।

✓এমনি আমার ভগবান

বার বার জন্ম ল'ন মার বুকে

সুপবিত্র ধরণীর কোলে ।

তার পর চেয়ে দেখি—

কোথা মোর ভগবান ?

জীর্ণ গৃহ, আবর্জনা চারিদিকে,

তার মাঝে আলোহীন বায়ুহীন কক্ষে,

ছিন্ন শয্যা 'পরে শুয়ে

রোগ-রুক্ষ ক্ষুধা-ক্ষীণ দেহ লয়ে

দেবতা আমার

ফেলে দীর্ঘশ্বাস !

আলোকের দেবতার আলো নাহি মিলে,

মিলে না ক' বায়ু ।

রজনীর লক্ষ্য তারা চেয়ে চেয়ে খোঁজে আর কাঁদে—

দেবতারে খুঁজে নাহি পায় ।



প্রথমা

কিন্মা দেখি—

চিনিতে না পারি ;

আমার দেবতা এ কি ?

কলুষ-বীভৎস মুখ,

দৃষ্টিভরা পাপে,

অঙ্গে অঙ্গে চিহ্ন কলঙ্কের—

এই কি গো দেবতা আমার ?

—মার কোলে জন্ম যার

জন্ম যার এ পবিত্র মৃত্তিকার 'পরে !

কার পাপ নিজেই শুধাই—

মোর ভগবান হ'ল অন্নের কাঙাল,

বিকৃত কুৎসিত আর আত্মায় বামন,

রুদ্ধ-বৃদ্ধি বুভুক্ষিত কদাকার প্রাণ !

কার পাপ ?

এ আমার, এ তোমার, এ যে সর্ব মানবের পাপ

দেবতার আলো করি চুরি,

অন্ন রাখি কেড়ে,

শান্তি তাই যায় বেড়ে বেড়ে দিনে দিনে ।

যত জন্ম ব্যর্থ করি দেবতার,

যত প্রাণ পুষ্টি বিনা মরে,

মানবের যাত্রা পথে

তত জমে সুবিপুল বাধা আবর্জনা ।

## দেবতার জন্ম হ'ল

দেবতার ব্যর্থ জন্ম !

—সেই অশ্রু জমে আর জমে

বিধাতার নেত্রকোণে ;

যত গ্লানি মানবের হতেছে সঞ্চার

সেই অশ্রু-প্লাবনের ভাঙন ধারায়

মুছে যাবে কোন্ দিন ।

সেই দিন হব শুচি ।

✓ আজ

বিকৃত ক্ষুধার ফাঁদে বন্দী মোর ভগবান কাঁদে,

কাঁদে কোটি মার কোলে অন্নহীন ভগবান মোর ;

আর কাঁদে পাতকীর বুকে

ভগবান প্রেমের কাঙাল !

—এক দিন মার কোলে জন্ম ল'য়ে, শিরে লয়ে মার স্নেহাশিস,

আর দিন সুন্দর আমার

স্বার্থে লোভে ক্রুরতায়, হিংসায় প্রচণ্ড লালসায়

কুৎসিত, জঘন্য, ভয়ঙ্কর মানবের পুরী হতে,

পঙ্কমাখা, শীর্ণ, ক্ষীণ, হিংসায় বিক্ষত,

কদাকার, লালসা-জর্জর,

বিদায় লইয়া যান,

একটি করুণ শুধু রাখি দীর্ঘশ্বাস ।



‘দ্বার খোল, খোল দ্বার, রাত্রির প্রহরী !’  
—কৈঁদে কয় হতভাগ্য নিঃসম্বল মানবের দল,  
কৈঁদে কয় দিকে দিকে নিযুত জীবন ।

অম্নে যে ভরে না বুক,  
তৃষা যে অতৃপ্ত থেকে যায়,  
প্রাণ আলো চায় !  
শূন্য ক্ষণগুলি  
অকাজের সহস্র জঞ্জালে ভরিয়া তুলিতে নারি,  
আর ভালো নাহি লাগে ।  
দ্বার খোল হে প্রহরী,  
আনো নব উষালোক,  
সঞ্জীবিত কর আজ নূতন অমৃতে,  
নব-সৃষ্টি-গুঞ্জন-মুখর, ধরাতে জন্ম দাও ।

মোর মাঝে কোন্ প্রাণ-মহানদ  
ছুটিয়াছে অন্তহীন অসীমের লাগি,  
তাহারে চিনাও ।  
আবর্তে ঘুরিয়া মরে অন্ধ মোর বন্ধ প্রাণধারা,  
বেদনায় সারা,  
তাহারে দেখাও পথ—  
দ্বার খোল, দ্বার খোল, রাত্রির প্রহরী !

## ‘দ্বার খোল’

শুনেছ কি, শুনেছ কি অন্ধকার রক্ত করি’  
আলোকের আর্তস্বর, কাঁদে প্রতি তারকায়  
কাঁদে সারানিশি !  
তারে মুক্তি দাও ।

যাহা আছে তাহা আছে ঢাকি,  
যাহা পাই ভার হয়ে থাকে—  
সত্যেরে চিনিব কোন্ ফাঁকে ?  
হে প্রহরী, হানো অসি নিশার মরমে,—  
যুগ যুগান্তের এই সঞ্চিত আঁধার কেটে যাক্  
বেদনার উষ্ম রক্তধারে ;  
রক্ত-পারাবার হতে উদ্বোধন হোক্ আজ নূতন উষার

সেথা তুমি পূর্ণ ছিলে  
 আপনাতে আপনি মগন,  
 আনন্দের স্পন্দহীন নিশ্চল গগনে ;  
 তাই বুঝি সৃজিলে আমারে  
 কাঁদিবার লাগি ।

কাঁদিবার সাথ,  
 তাই তুমি মোর সাথে ছোট হবে, লুটাবে ধূলায়,  
 অস্বাভাবিক করিবে আপনারে,—মূঢ় অবিশ্বাসে,  
 আবার ভাসিবে অাখিনীরে ।

সেথা তুমি পূর্ণ ছিলে—

শুধু সেথা ছিল না ক' আখিজল,  
 বিরহ বেদনা আর উষ্মদীর্ঘশ্বাস ।  
 আমার মাঝারে তাই  
 এমন করিয়া তুমি কাঁদ,  
 কাঁদ এত রূপে ।  
 অকারণে কাঁদ একবার  
 জীবনের তীরে নামি  
 চিহ্নহীন বালুচরে ;  
 পুনঃ কাঁদ প্রেয়সীর, শ্রেয়সীর লাগি  
 বার বার হ্রস্ব যৌবনে ;

## অগুণ

তার পর সমস্ত জীবন ধরি'  
সংশয়ে, দ্বিধায়, দ্বন্দ্বে,  
বঞ্চনায়, আঘাতে ও হতাশায়  
কাঁদ নানা ছলে ।

নিখিল ভুবন ভরি' খেলিতেছ কাঁদিবার খেলা  
অনাদি অতীত কাল ধরি' ।  
বিশ্বয়ে চাহিয়া দেখি,  
সে খেলায় মাতি  
কোথায় নেমেছ তুমি মোর সাথে,—  
জঘন্য পাপের মাঝে, বীভৎস ক্ষুধায়,  
অসহ গ্লানির পক্ষে,  
পুঁতি-গন্ধভরা, অচিন্ত্য কলুষে হীনতায় ।

মোর সাথে পাপী হ'লে  
বুকে তুলে নিলে মোর তাপ ;  
মোর সাথে দুর্বহ ব্যথার বোঝা স্কন্ধে নিলে তুলে,  
পিশাচ সেজেছ মোর সাথে,  
কুটিল, নির্মম, ত্রুর, নৃশংস, নির্দয় ।  
বিশ্বয়ে চাহিয়া দেখি, আর বসে রই  
স্তব্ধ হয়ে ভয়ে ও বিশ্বয়ে—  
তোমার কান্নার খেলা অপরূপ, অদ্ভুত, ভীষণ, বুদ্ধির অতীত ।

যত কান্না ধরণীতে ;  
তার মাঝে তুমি কাঁদ এই শুধু জানি—  
আর ধন্য আপনারে মানি ।



আজ আমি চলে যাই  
 চলে যাই তবে ;  
 পৃথিবীর ভাই বোন মোর ;  
 গ্রহ তারকার দেশে,  
 সাথী মোর এই জীবনের,  
 —কেহ চেনা কেহ বা অচেনা,  
 তোমাদের কাছ হতে চলে যাই আজ ।  
 কোথায় ছ' ফোঁটা জল শুখাইবে তপ্ত ভূমিতলে,  
 একটি করুণ শ্বাস মিলাইবে উতলা বাতাসে,  
 আজ কয়ে যাব না ক' সন্ধান তাহার !  
 নীল আকাশের গ্রহে একটি প্রার্থনা মোর,  
 বেখে যাই শুধু,  
 স্পন্দহীন বক্ষপুটে,  
 রেখে যাই মৃত্যুগ্নান মর্মকোষে মোর ।

যে কেহ আমার ভাই, যে কেহ ভগিনী,  
 এই উর্মি-উদ্বেলিত সাগরের গ্রহে,  
 অপরূপ প্রভাত সন্ধ্যার গ্রহে এই,  
 লহ শেষ শুভ ইচ্ছা মোর  
 বিদায় পরশ, ভালোবাসা ;

## প্রার্থনা

আর তুমি লও প্রিয়া মোর

অনন্ত রহস্যময়ী,  
চির কৌতূহল-জ্বালা  
অসমাপ্ত চুম্বন খানিবে,  
তৃপ্তিহীন ।

যদি প্রেম সত্য হয়,

যদি সত্য হয় এই অশ্রুর সাধনা,

তবে আব বাব

অদেখা আকাশে কোন,

কোন নীহাবিকা পুঞ্জ

নব-সূর্য-উদ্ভাসিত সে কোন সুন্দরী তারকাব

হবে ফিরে পরিচয় ?

—নাহি জানি ।

নয় এই অযাচিত নির্ভুর বিদায় ।

আজ আমি চলে যাই ;

যত দুঃখ সহিয়াছি,

বহিয়াছি যত বোঝা, পেয়েছি আঘাত,

কাটায়েছি স্নেহ-হীন দিন,

আজ কোন ক্ষোভ নাই তাহাদের তরে,

কোন অনুতাপ আজ রেখে নাহি যাই ।



## প্রথমা

একটি আকাজক্ষা শুধু

ছেলে রেখে গেছে ।

আজো যারা আসে পিছে,

অনাগত পৃথিবীর ক্রণ-শিশু যত,

তারা যেন পৃথিবীরে এমন করিয়া নাহি দেখে ।

আজ যারা বাসিতে পেলেন না ভালো,

আমাদের চারিপাশে আজ যত প্রাণ,

অন্ডায় দারিদ্র্যে আর হীন লালসায়

অন্ধ পঙ্কু হয়ে কাঁদে অশ্রুজলে উষ্ণ অভিশাপ,—

তাহাদের সকল বেদনা

আজিকার মানবের যত গ্লানি পাপ,

আমাদের সাথে যেন মোরা সব

মুছে লয়ে যাই ।

যারা আজো জন্ম লয় নাই,

তাহাদের প্রেম

ব্যর্থ নাহি হয় যেন এমন করিয়া

লোভের, ক্ষুধার কাঁদে,

দেবতার দ্বার যেন তাহাদের তরে

আজিকার মত রোধ

নাহি করে স্বার্থ অসঙ্গত,

কপটতা, মোহ, প্রবঞ্চনা,

হিংসা, অহঙ্কার ;

—পৃথিবী সুন্দর হয় যেন ।

বিধাতার আশীর্বাদ লোভ যেন নাহি কেড়ে রাখে

স্বার্থ করে অন্ডায় বণ্টন ;

## প্রার্থনা

প্রেম বিনা কারো জন্ম ব্যর্থ নাহি হয় যেন,  
ছিঁড়ে যায় লালসার জাল,  
ধুয়ে যায় আজিকার সব ক্ষুদ্র গ্লানি মলিনতা ।

দিকে দিকে কোটি গৃহ ভেঙে পড়ে আজ,  
প্রচণ্ড লোলুপ এই মানবের বাসনার ঝড়ে ;  
উপবাসী কাঁদে মাতা মোহমত্তা নারীর অন্তরে,  
কাঁদে প্রিয়া উৎপীড়িতা বারান্দা-বুকে,  
—দেবতা কাঁদেন ভাঙা ঘরে ।

পৃথিবীর ভাই বোন মোর  
এই বিলাপের গ্রহে, মোর কান্না রেখে যাই আজ,  
একটি বাসনা আর ।  
পশ্চাতে আসিছে যারা  
তারা যেন ধরণীর এ কলুষ, দেখিতে না পায় ;  
মোদের চোখের জলে শেষ হোক সব তাপ গ্লানি  
শেষ হোক মানব-আত্মার এই কাতর কাকুতি,  
আমাদের বেদনায় ।  
তারা যেন সবে ভালোবাসে ।

মৃত্যুরে কে মনে রাখে ?



মৃত্যুরে কে মনে রাখে ?

—মৃত্যু সে' ত মুছে যায় ।

যে তারা জাগিয়া থাকে তারে লয়ে জীবনের খেলা,

ভুবনের মেলা ।

যে তারা হারাল ছাতি, যে পাখী ভুলিয়া গেল গান,

যে শাখে শুখাল পাতা

এ ভুবনে কোথা তার স্থান ?

নিখিলের ওষ্ঠপুটে ওষ্ঠ রাখি করিছে যে পান,

হে কবি আজিকে তার—

তার তরে রচ শুধু গান ।

রচ গান যৌবনের ।

যে প্রেমের চিহ্ন নাই লাজরক্ত কোমল কপোলে,

কম্পমান হৃদপিণ্ডে, দুর্নিবার রুধিরের দোলে,

তার তরে অকারণ শোক ।

বারবার ছেড়ে তার জীর্ণতা-নির্মোক

জীবনের যাত্রা হেরি মহাকাশ ব্যোপে,

তারায় তারায় তার জয়ধ্বনি উঠে কেঁপে কেঁপে ।

মৃত্যু-শোক-স্তব্ধ গৃহদ্বারে,

আসে বারে বারে


সমারোহে শিশুর উৎসব,

মৃত্যুরে কে মনে রাখে ?

বেদনার অঙ্ককার বিদারিয়া প্রতিদিন, দেখা দেয় প্রদীপ্ত গৌরব,  
নির্লজ্জ শিশুর হাসি ।

কবরের মৃত্তিকায়, অবহেলি অশ্রদ্ধায়  
তৃণে জাগে প্রাণ অবিনাশী ।

ওরে ত্রিয়মাণ কবি উঠে বোস, শোক-শয্যা তোল  
বন্ধুব বিবহ-ব্যথা ভোল,  
কান পেতে শোন্ বসে জীবনেব উন্নত কল্লোল—  
আকাশ বাতাস মাটি উতরোল আজি উতরোল



আজি এই প্রভাতের আশীর্বাদ খানি,  
 লও তব মাথে,  
 হে নগরী,  
 লও তব ধূলি-ধূম-ধূত্র-জটা-বিভূষিত শিরে ।  
 তব লৌহ-কাষ্ঠ-শিলা কারাগার হতে,  
 রক্তমসী-কলঙ্কিত, যন্ত্র-জর্জরিত তব  
 কর ছুটি জুড়ি  
 আজি এই প্রভাতেরে কর নমস্কার ।

মোহের দুঃস্বপ্নজাল বারেক ছিঁড়িয়া দুই হাতে  
 উর্ধ্ব চাহ অভিশপ্তা  
 ওই নীল আকাশের পানে,  
 পূরব সীমান্তে যেথা দিবসের মাস্তুলিক বাজে  
 আলোকের সুরে ।

তোমার ব্যথিত বক্ষে,  
 অন্ধকারে যেথা  
 অনির্বাক্ত অগ্নিকুণ্ড জ্বলে দিকে দিকে,  
 হারায় কঙ্কাল-পথ  
 বিকারের পয়োনালী মাঝে,  
 লুকায় সুড়ঙ্গ লাজভরে মৃত্তিকার তলে,  
 লোভ হিংসা ফেরে ছদ্মবেশে  
 অন্ধকারে নিঃশব্দ লোলুপ,—

## আশীর্বাদ

সেখা আজ ডেকে আন প্রভাত আলোরে ;  
তার সাথে আন শান্তি,  
লোভ দীর্ণ তব ক্ষুর বৃকে,—  
লালসার দৈন্ত যাক ঘুচে ।

যন্ত্রের চক্রান্ত ভাঙি,  
ভেদ করি ষড়যন্ত্র লৌহে আর লোভে  
আম্রক প্রভাতখানি,  
—সৌম্য-শুচি কুমার সন্ন্যাসী  
হে পতিতা তোমার আলয়ে ।  
পুঞ্জীভূত সমস্ত কালিমা,  
সমস্ত সঞ্চিত ব্যথা, লজ্জা গ্রানি পাপ,  
মনস্তাপ বহু মানবের  
ব্যাধি ও বিকার  
সযত্নে লালিত,  
—দূর হোক সব আবর্জনা,  
আলোকের কল্যাণ ধারায় ।

শক্তির সাধনে মাতি,  
হে উন্নতা নারী-কাপালিক,  
অগণন জীবনের আশার শ্মশানে  
আনন্দের শবাসনে বসি,  
সুন্দরেরে গিয়াছিলে ভুলি ;

## প্রশ্না

সীমাহীন আকাশের সুনীল বিন্যয়  
রাত্রির রহস্য আর আলো গন্ধ রূপ,  
ভুলেছিলে সহজ প্রাণেরে ।  
সেই স্বেচ্ছা-নির্বাসন হয়ে যাক শেষ ।

## আজ তব

শক্তি-সুরা-রক্ত-নেত্রে ক্রকুটির তলে  
বিহঙ্গেরা বাঁধে নাই নীড় ;  
প্রসূর-নিষেধ-প্রান্তে জাগিছে সভয়ে  
শীর্ণ তৃণ, বিবর্ণ কুসুম,  
—সঙ্কুচিত দুর্বল কাতর ।

যন্ত্রের জটিল পথে  
বিকলাঙ্গ জীবনের  
হেরি শুধু ব্যঙ্গ-সমারোহ ।





ভাড়াটে কুঠি !

নদীর স্রোতের জঞ্জাল সম আসিয়া জুটি ।

ওধারে তাহারা এধারে কাহারো

ওপরে ও নীচে নানা ;

পাশাপাশি বোজ ঘর করি ভাই—

কেহ নয় কারো জানা !

শুধু ছুঁবেলায় চোখোচোখি হয়

একই সিঁড়ি দিয়ে উঠি ।

ভাড়াটে কুঠি ॥

ওধারের ঘরে তাহাদেব ছেলে

বুঝি বা খুঁকিছে জ্বরে ;

এধারে প্রবাসী স্বামীটির লাগি

বধূটি শুকায়ে মরে ।

নীচে মজলিসে সারাদিন গোল

চলিছে দাবার ঘুঁটি ।

ভাড়াটে কুঠি ॥

একটি ইটের ব্যবধান রেখে

পাশাপাশি থাকি শুয়ে ;

এ ছাত্তের জল ও ছাতে গড়ায়

ভিৎ গাড়া একই ভুঁয়ে ।



## প্রথম

ওইখানে শেষ ; তার পরে আঁটা  
জানালা কবাট দুটি ।  
ভাড়াটে কুঠি ॥

একদিন ফের ঘূর্ণিতে টানে,  
কোনখানে যাই ভেসে ;  
কিছু নাহি জানি, তবুও বিদায়  
নিয়ে চলি স্নান হেসে ।  
যা ছিল আড়াল রহে চিরকাল  
বাধা নাহি যায় টুটি ।  
ভাড়াটে কুঠি ॥

শুধু কোনোদিন সঙ্গ-বিহীন  
বিদ্রোহ করে প্রাণ ;  
কঠিন দেয়ালে করাঘাত করে  
ঘুচাইতে ব্যবধান ।  
ঘোচে না আড়াল, ব্যাকুল হৃদয়  
মিছে মরে মাথা কুটি ।  
ভাড়াটে কুঠি ॥





হাঁকে ফিরিওলা—কাগজ বিক্রি,  
পুরানো কাগজ চাই !  
ঘরের কোণেতে সঞ্চিত যত  
তাড়াগুলি হাতড়াই ।  
পুরানো কাগজ চাই !  
বহুদিন ধরে জঞ্জাল বাড়ে  
সের দরে বেচি তাই ।

কেমন করিয়া একটি তাহার  
হঠাৎ নজরে পড়ে ;  
দেখি সমুদ্রে যাত্রী-জাহাজ  
কোথায় ডুবিল ঝড়ে ।  
হঠাৎ নজরে পড়ে,  
আবার কোথায় মানুষের মাথা,  
বিকায় খুলির দরে ।

নিরুদ্দেশ কে সন্তান লাগি  
ঘোষিছে পুরস্কার ;  
মৃত্যুঞ্জয় অমৃত কারা  
করিছে আবিষ্কার ।

প্রথম

ঘোষিছে পুরস্কার,  
পলাতক খুনে লুকায়ে কোথায়  
চাই যে হৃদিস্ তার ।

কোন্ সে বধূর বুকের আগুন  
ভিতর করিয়া থাক্,  
অবশেষে লাগে বসনে তাহার ;  
পুড়ে গেল সাত পাক ।  
ভিতর করিয়া থাক্,  
কোন্ সে গিরির গরল অনল  
ঘটিল ছুর্বিপাক ।

হারানো তারিখ ফিরে আসে ফের  
পুরানো কাগজ পড়ি ;  
আমাব নয়নে সহসা পোহায়  
সে দিনের বিভাবরী ।  
পুর্বানো কাগজ পড়ি ;  
রাখিল ধরণী সেই দিনটির  
পায়ের চিহ্ন ধরি ।

সে পদচিহ্ন কোথায় মিলাল  
তারপরে নাহি খোঁজ !  
মানুষের ঘরে সকলের বড়  
উৎসব নওরোজ ।

## কাগজ বিক্রি

তার পরে নাই খোঁজ ;  
যাত্রী-জাহাজে ডুবিল যে, বুঝি,  
তারো ঘরে আজি ভেঁজ ।

রক্তে ছোপান অশ্রুতে ভেজা  
পুরাতন যত পাতা,  
সব জঞ্জাল আজিকে, হ'লেও  
রঙীন স্মৃতায় গাঁথা ।  
পুরাতন যত পাতা,  
তাতে কোন্ দিন কি দাগ লাগিল  
কে বৃথা ঘামায় মাথা ।

হাঁকে ফিরিওলা, কাগজ বিক্রি,  
পুরানো কাগজ চাই ।  
ঘর ভরি যত মিছে জঞ্জাল  
জমাবার নাহি ঠাই ।  
পুরানো কাগজ চাই ;  
আদর যাহার ফুরাল, তাহারে  
সের দরে বেচ ভাই ।

নমো নমো নমো !

অপরূপ অনির্বচনীয় !

নমো নমো নমো !

দেহের বীণাতে ওঠে ঝঙ্কারিয়া সুরের শ্রুতি

নমো নমো নমো !

নয় বাণী, নয় স্তুতি, নহেক প্রার্থনা ;

গান নয়, নয় আরাধনা,

শুধু দেহ-দীপ হতে ওঠে শিখা সম

নমো নমো নমো !

সব অর্থ ডুবে যায় আনন্দের অতল সাগরে—

শুধু অহৈতুক

অর্থহীন

নমো নমো নমো ।

ছর্বোধ প্রাণের ভাষা

বাণীর আরতি !

চেতনা হারিয়ে যায় আনন্দের অপার পাথারে

সেথা হ'তে ওঠে শুধু

বাস্তব অর্চনা,

নমো নমো নমো

পরিপূর্ণ জীবনের প্রস্ফুটিত পদ্ম হ'তে ওঠে গন্ধসম

নমো নমো নমো !

নমো নমো

কথা খুঁজে নাহি মিলে, বিশ্বয়ের রহে নাক সীমা ;  
আনন্দের ঝটিকায় কাঁপে প্রাণ স্পন্দমান তারকার মত ;  
বিরাটের তীরে তীরে জীবন কল্লোলি ওঠে—  
নমো নমো নমো !

নমো নমো নমো !  
প্রণামের বিরাট আকাশে  
সব গান ডুবে আছে, মিলে আছে সব পূজা,  
হারাইয়া আছে স্তুতি, সকল আরতি,  
সমস্ত সাধনা,  
কোটি কোটি তারকার মত ।  
মহা নীলাকাশ সম  
মূর্তিমান সীমাহীন  
নমো নমো নমো !



ফের যদি ফিরে আসি ;

ফিরে আসি যদি

কোনো শুভ্র শরতের অগ্নান প্রভাতে,

কিন্মা কোনো নিদাঘের শুষ্ক কঙ্ক তপস্কার দ্বিপ্রহবে

কিন্মা শ্রাবণেব বৃষ্টি-ধরা ছিন্নমেঘ রাতে কোনো,—

নূতন ধরণী 'পরে কাবেও কি পারিব চিনিতে,

কাহারেও পড়িবে কি মনে ?

এ জীবনে যাহাদের ভালোবাসিয়াছি

আজ ভালোবাসি যাহাদেব

তাহাদের সাথে হবে দেখা ?

—পারিব চিনিতে ?

জন্ম ল'ব হয়ত সে

কোন্ উর্মি-ছন্দোময়ী ফেনশীর্ষ সাগবের তীবে

ডুবারীর ঘরে,

কিন্মা কোন্ জীর্ণ ঘরে কোন্ বৃদ্ধ নগরী'ব নগণ্য পল্লীতে

দীনা কোন্ পথের নটীর কোলে ;

কিন্মা—কোথা কিছু নাহি জানি !

এই আলো সেদিন নয়নে জ্বলিবে কি ?

এই তারা এই নীলাকাশ সস্তাষিবে আর বার ?

ফিরে আসি যদি

সেদিন কি এমনি ফুটিবে ফুল,

এইমত তৃণ

জাগিবে কি পদতলে,

এইমত পুঞ্জ পুঞ্জ প্রাণ

সমস্ত নিখিলময় ?

পড়িবে কি মনে,

এই আলো মোর চোখে একদিন লেগেছিল ভালো ?

এই ধরণীর 'পরে আমি খেলা কবিয়াছি,

কাঁদিয়াছি হাসিয়াছি

ভালোবাসিয়াছি ?

যে মুকুল আশাগুলি রেখে যাব আজ

জীবনের খেয়াঘাটে বিদায়-সন্ধ্যায় অর্ধশুট,

তাহাদেব সাথে আর

হবে ফিবে দেখা ?

এ জীবনে যত কাজ সাঙ্গ হ'ল নাকো,

যত খেলা রয়ে গেল বাকি,

ফিরে আর পাব তাহাদেব ?

আমার চোখের জল,

মোর দীর্ঘশ্বাস,

হতাশা, বেদনা,

তাহাদের সাথে পুনঃ হবে পরিচয় ?



## প্রশ্না

যত স্থাখ'কেলে রেখে যাব  
তাহারা শুধাবে ডেকে,  
ডেকে কহিবে কি প্রিয়া,  
“আমারে ভুলিয়া ছিলে কেমন করিয়া ?”

আবার প্রিয়ার সাথে সুখে দুঃখে কাটিবে কি দিন,  
এমনি করিয়া প্রতি জীবনের দণ্ড পল সুধাসিক্ত করি,  
আনন্দ ছড়ায় চারিদিকে, আনন্দ বিলায়ে সর্বজনে ?  
সকলেই ভালোবেসে—ভালোবেসে সব কিছু  
হৃদিনে নির্ভয় আর দুঃখে ক্লান্তিহীন  
চলিতে পাব কি দুইজনে  
এক সাথে ?

ফেব যদি ফিরে আসি,  
আরো আলো চক্ষে যেন আসি নিয়ে,  
বুকে আরো প্রেম যেন আনি ;  
পৃথিবীকে আরো যেন ভালো লাগে ।  
এবারের যত ভুল ভ্রান্তি  
স্বলন পতন  
ক্ষমায় ভুলিয়া আসি ;  
আরো আনি পথের পাথেয়  
আনন্দ অক্ষয় !



জীবন-মহাদেবের নৃত্য দেখতে কি পাস্, শুনিস্ কিরে কানে ?

মুগ্ধ কবি মগ্ন মোহের গানে !

বৎসহারা কোন্ সাহারা হাহা করে, কোথায় হাহা করে,  
কোন্ সাগরে ঝড় উঠেছে, মেঘ-গরুড়ে আকাশ আড়াল করে ;

আবার কোথায় অন্ধি ওড়ে বদ্ধ নালার জলে,

চড়ুই ছুটি বাঁধছে বাসা কড়িকাঠের তলে !

বিস্ময়িয়াস্ বিষ খেয়ে কে উগ্রে তোলে আগুন উগ্রে তোলে,  
এহ-তারার ঘূর্ণিপাকে মাথা ঘুরে উক্সা পড়ে ট'লে ;

আবার কোথায় মাকড়শাতে বুনছে বসে জাল,

মহুয়া-বন মাৎ করে ওই মৌমাছিদের পাল !

জীবন-মহাদেবের নৃত্য দেখতে কি পাস্, শুনিস্ কিরে কানে ?

মুগ্ধ কবি মগ্ন মোহের গানে !

পুচ্ছে-বাঁধা অনল-জ্বালায় ধূমকেতু কে ছুঁফটিয়ে ছোটো,  
প্রসবব্যথায় কাঁদিয়ে আঁধার, আকাশ ফেটে নতুন তারা ফোটো ;

আবার কোথায় মৌটুস্কি টুস্কি মারে ফুলে,

প্রজাপতি হলুদ-ক্ষেতে বেড়ায় ছলে ছলে !

তেপান্তরে লাগ্লে আগুন—ছুব্লে আকাশ খুব্লে নিলে আঁখি,  
সৃষ্টিখানার ঝুঁটি ধরে কোন্ সে দানো দিচ্ছে কোথা ঝাঁকি ;

আবার কোথায় রোদ উকি দেয় পাতার চিকের কাঁকে,

কাঠবেরালির চমক্ লাগে বনশালিকের ডাকে ।

## প্রশ্ননা

জীবন-মহাদেবের নৃত্য দেখতে কি পাস্, শুনিস্ কিরে কানে ?

মুগ্ধ কবি মগ্ন মোহের গানে !

বঁজা ডাঙায় লড়াই বাধে, হাজার দাঁতে কামড়ে ছেঁড়ে টুঁটি  
লক্ষ খুনীর খুন চেপেছে, কবন্ধ ধড় খাচ্ছে লুটোপুটি ;

আবার কোথায় নিশীথ রাতে প্রদীপ মিটিমিটি,

রুদ্ধ-নিশাস পড়ছে বধু প্রিয়তমের চিঠি ।

বোল্ হাঙরের লাগল গাঁদি, জাহাজ ডোবে ডুবো পাহাড় লেগে,  
কোন্ দেশেতে লাগল মড়ক, ভাগাড় আঁধার শকুন-ঝাঁকের মেঘে ;

আবার কোথায় হাঁস চরে ওই শ্যাওলা-দীঘির ঘাটে  
ঝিউড়ি মেয়ে ঘষতেছে পা খেজুব-গুঁড়ির পাটে ।

জীবন-মহাদেবের নৃত্য দেখতে কি পাস্, শুনিস্ কিরে কানে ?

মুগ্ধ কবি মগ্ন মোহের গানে !

তাতা থিয়া, তাতা থিয়া—ঠোকাঠুকি নীহারিকার মালায়,

তাতা থিয়া,—সিন্ধু নাচে বক্ষে জ্বালা বাড়বানল-জ্বালায়

তারি সাথে যুগে যুগে দোলে, দোলে, দোলে,

নটরাজের নাচন্ চির-নারী-মাতার কোলে ।



কাগজের বুকে বিঁধে কলমের রূঢ় নখর,  
আমার অশ্রু হ'ল আজ ভাই কালো আখর  
কবিতা হয় !

লোনা জল আজ ছন্দে ছুলিয়া মিলে মিলায় !

আকাশ আঁধার ক'রে এসেছিল মেঘ বিপুল ;  
সেই মেঘ হ'ল কাননের কোণে কেতকী ফুল,  
স্বরভিদ্ভাস !

আকাশের ব্যথা মাটির মায়ায় হ'ল সুবাস !

এ হৃদয়-ক্ষত হ'ল যে দিঠিতে নিষ্করণ,  
তারি গানে তব প্রিয়ার গণ্ডে ফোটে অরুণ-  
উদয়াভাস !

আমার ঝঙ্কা তোমাদের দক্ষিণ বাতাস !

মোর পতঙ্গ, দহিল যাহারে মোহিনী দীপ,  
সেই হ'ল তব প্রিয়ার লনাটে সুচারু টীপ,  
নব শোভায় !

মোর সূর্যের দাহনে তোমার নিশি পোহায় !

আমার মরুর হাহাকারে হিয়া ব্যথা-বিধুর,  
তোমাদের দেশে আকাশ হ'ল যে মেঘ-মেহুর,  
স্নেহ-শীতল !

আমার প্লাবনে তোমাদের তীরে ফলে ফসল !

প্রথম

তোমার প্রেমের আকাশে শোভে যে শশী নবীন ;  
সে যে বিস্মৃত কোনো ধরণীর স্পন্দহীন  
শীতল শব ।

মোর শুক্তির বুক-চেরা ধন তব বিভব ।

তবু তাই হোক ; মোর অশ্রুর বাষ্পাকুল  
দিগন্তে তব রামধনু উঠি', আলোর ফুল  
মেলুক দল !

মোর শাজাহান কাঁদিয়া গড়ুক তাজমহল !



সারিসিতে জল-সারেঙ বাজে,  
পথ আজি নির্জন ;  
বাদলা-পোকার ফুঁতি নিয়ে  
জাপানি লণ্ঠন ।

কদম্বে আজ শিথিল রেণু  
সুবাসে ভুর-ভুর,  
বর্ষাশেষের বাদল বাজায়  
আজ বেহায়া সুর ।

ঘরের কোণে ঝাপসা আলোয়  
জমকালো মজলিস,  
টেঁচিয়ে কথা কইতে বাধে  
—আধ-ফোটা ফিস্‌ফিস্ ।

ঘাঘরী বিনা কাজরী নাহি  
নেইক কাজল কালো,  
ছুটি প্রাণীর মজলিসই আজ  
সবার চেয়ে ভালো ।

বীণার তারে মরুচে-ধরা  
কাজ কি পাড়াপাড়ি ;  
আজকে নীরব ঠোঁটের সাথে  
ঠোঁটের কাড়াকাড়ি ।

প্রথমা


মেঘলা-মোহ ধরে যে আজ  
কপোত-কুজনে,  
বর্ষাশেষের বেহায়া রেশ  
শুন্ছি ছুজনে !

চিকুর চেয়ে চম্কে দেবে  
ক'রো না চিক্ ফাঁক,  
আজ দেওয়ানা দেয়ার শোন  
দিল-দরদী ডাক !

দরিয়াতে আজ কই দাছরি ?  
হয়রান সব চুপ ;  
মেঘলা দিন আজ দাঁড় ফেলে যায়  
আঁধারে বুপ বুপ !

বাদলা-পোকার পাতলা পাখা  
পড়ছে খসে খসে,  
সার্মিতে জল-সারেঙ বাজে  
শুন্ছি বসে বসে ।

হালুকা বেণীর বন্ধনী আজ  
আলুগা করেই রাখ ।  
শুধু শীতল অধর দিয়ে  
নীরব চুমা আঁক ।



ওরা ভয় পায় ।

ওরা চোখ বুজে থাকে,

বলে মিথ্যা, সত্য, কিছু নাই—

শুধু ফাঁকি, আর শুধু মায়্যা ;

এই আসা যাওয়া,

আগে পাছে শুধু তার,

অর্থহীন নিরন্তর অন্ধকার শুধু !

আমার ভুবনে কিন্তু ফুল ফোটে ফল ফলে রোজ

ঋতুগুলি আসে যায় গন্ধে গানে প্রাণে ভরপুর !

আগে পাছে আছে কি-না কিছু

খুঁজিবার

নাহি অবসর ।

আছে যাহা,

তাহারই পাছে,

## আমার দিবস রাত্রি

## ছোট্টে অনুক্ষণ !

আমার দিনের আলো।

হেসে কাছে আসে,

ভালোবেসে

কথা কয় ;

আমার রাত্রির সুপ্তি, কপোল পরশ করে ধীরে,

বলে,

নাহি ভয় !





এই ভুবনের মধুর দিনের পথিক যত,

অস্ল যারা

হাস্ল যারা

কণেক ভাল বাসল যারা,

আজকে তারা সন্ধ্যা তোমার

পাকা সোনার

গলার হারে,

গগন পারে

যে-কথাটি গেল থুয়ে,

কপোল ছুঁয়ে

গেল চলে

যাহা বলে,

হায়রে হায়,

হারিয়ে যায়

সকল কথা আসন্ন ঐ অন্ধকারে।

আর যারা সব

বইল বোঝা, সইল ব্যথা,

মনের কথা কইল না ;

ফুলের তরী বাইল শুধু, ফলের কড়ি চাইল না ;

নীড়েতে পাখ-পুড়ল যাদের, আকাশে হায় উড়ল না-

ঘুরল না ;

## ইহবাদী

তাদেরও আজ দিবা শেষে  
ভালবেসে,  
জড়িয়ে বুকে মুড়িয়ে আঁখি  
অশ্রু-জলে অধর রাখি,  
ডাকবে না কেউ হায়রে হায় !  
জানি, জানি, সন্ধ্যারাগী, দিনের বাণী সব বৃথায় !

ধূলা সে যে ধূলাই শুধু  
পরশ-পাথর নাইরে নাই,  
মিথ্যা বোঝা, মিথ্যা খোঁজা  
বৃথা ওরে সব যোঝা-ই ;  
মরমে যে মার খেয়েছে  
মিথ্যা যে তার সব ওঝাই !  
বুকের ভিতর যা থাকে থাকে,  
ঢেকেই তা রাখ্ ।  
ওষ্ঠে প্রিয়ার ভণ্ডামি নাই, নাই পেয়ালায় বুজরুকি,  
পরকালের পুঁথি ফেলে, আয়রে হতাশ, আয় ছুঁখী !  
আয় রে আয়  
দিন যে যায় !  
উপবাসী প্রাণ যে চায়  
বিপুল নিদারুণ ক্ষুধায় ।

যথের কড়ি আগলে আছিহু মোক্ষ-আশায় মূর্থ কে ?  
অর্ঘ্য দে !

## প্রথমা

এই দেহ তোর দেবতা শুধু,  
দিন ছয়েকের স্বর্গ রে !

অর্ঘ্য দে ।

মর-দেহের চেয়ে মূর্খ, মোক্ষ নয় মহার্ঘ রে !

অর্ঘ্য দে ।

মৃত্যু শাসায়, শূন্যে কি পাস্ ?  
দেখতে কি পাস্, শ্মশান পাতা সকল ঠাঁই,  
বিশ্বজুড়ে চিরটা কাল কালের হাতের নেই কামাই !  
ওরে অন্ধ, ওরে হতাশ !  
লুট করে নে যেথায় যা পাস্ ;  
আকাশ বাতাস,  
প্রেমের প্রকাশ,  
নারীর দেহে রূপের বিকাশ,  
যেথায় যা পাস্ ।

ভিখারী তুই আছিস্ ভুখা,  
শিকারী সুখ নেয় লুটে,  
এ কি রে তোর মনের বিকার—  
রইবি খুশি চিরকুটে ?  
হাঁক উঠে  
মুখ ফুটে  
মোক্ষ-মোহের ডোর টুটে',  
“এই জীবন মোর সাধন  
স্বর্গ মোর এই ভুবন” !

## ইহবাদী

ছুখ যে চায়,      ছুখ যে পায়,  
আর যে সুখের পিছনে ধায়,  
দিনের শেষে সব সমান, সব সমান !  
পুঁথির পাতায় ধাপ্পাবাজি, পরকালের সব প্রমাণ ।

ডাকছে কবি—আয় রে আয়  
তিলে তিলে, প্রাণ পেয়ালায়  
চুমুক দেবার সময় যে যায় !  
সময় যে যায়—সময় যে যায়, বাজছে কালের ডঙ্কা রে,  
সকল সুখের পাছে আছে সমাপ্তির-ই শঙ্কা রে !  
শিবের সাথে শ্বসছে রে শব,  
সৃষ্টি সাথে ধ্বংসোৎসব  
কাল-ভৈরব হুঙ্কারে ।

যৌবনের ও মউ-বনে সব মৌমাছিদের মর্মরে  
শুন্ছি বাজায় বিসর্জনী কঙ্কালেরা পঞ্জরে ;  
বাজায় ফুলে বাজায় পাতায়  
পাখীর পাখায় লাজুক লতায়,  
সুখে, আশায়, ভালবাসায়  
সব ভরসায়  
বাজায় বাজায় কেবল বাজায় !  
—বসন্তেরি রঙিন খাতায়  
রঙের সাথে কালো কালি-ই লিখছে শমন পাতায় পাতায়  
ওরে তাই—  
• চোখের জলের সময় যে নাই !

## প্রথম

রূপের মেয়াদ ছ'দিন মোটে  
ছ'দিন মেয়াদ যৌবনের ;  
প্রিয়ার ঠোঁটের গুল্বাগে ভাই  
ইজারা যে ছ'ই দিনের !  
ঠিকানা নেই      ঠিকানা নেই  
আশার ফানুস কখন ফাঁসে ;  
জীবন স্বপন ভাঙেরে তোর  
মহাকালের অট্টহাসে !  
ভাববি কি আর, করবি বিচার  
বৃথা কি আর খাটবি বেগার ?  
কালকে প্রিয়ার মুখে পাবি  
হয়ত চিহ্ন বলি-রেখার !

আজ দরজায়  
তাই ত কবি ডাক দিয়ে যায়—  
ফাগুন ফুরায়—  
আগুন জুড়ায়—  
মধু-মাসের মহোৎসবে দম্ভ্য হয়ে লুটবি কে আয়  
ছিনিয়ে নেবার সাহস যে চাই—  
বিনিয়ে কাঁদিস্ কার ভরসায় ?



এস নারী,  
আজ তব কানে কানে,  
কই কথা প্রাণে প্রাণে,  
সৃজন-রহস্য-কথা—  
—নিখিলের আদিম বারতা।

যৌবনের মায়ালোকে  
অনাদি ক্ষুধার সেই অনির্বাণ জ্বালা নিয়ে চোখে,  
এস নারী, আরো কাছে এস  
বুকে বুক রেখে শুধু ক্ষণিকের তরে মোহ ভরে ভালোবেসো

চুপে চুপে যে কথাটি  
শিখাইছে মাটি  
প্রতি নবাস্কুরে,  
ইঙ্গিতে যে কথাটিরে গ্রহতারা বলে ঘুরে ঘুরে  
আলোকের অর্ধস্ফুট সুরে,  
সৃষ্টির প্রথম-প্রাতে বিধাতার মনে  
যে-কথাটি ছিল সঙ্গোপনে,  
সে গোপন বারতাটি করিব প্রকাশ,  
এস নারী, এল আজ জীবনের দখিনা-বাতাস।

মুখে নয়, শুধু বুক বুক দিয়ে নয়,  
ব্যঞ্জনা-ব্যাকুল সর্ব অঙ্গ মোর, মন প্রাণ দিয়ে  
শিখাইব সে রহস্য প্রিয়ে!

## প্রশ্না

জানিবার দ্রুত আশ্রয়ে  
তোমারও দেহের মাঝে শোণিতের বহ্যাবেগ বহে !  
যৌবন-সুখমা তব, এ যে সেই বাসনার ভাষা !  
এরি মাঝে জেগে আছে নিখিলের অনির্বাক্য আশা ।

এই তব হেঁয়ালি ভাষায়  
সৃষ্টির কামনাখানি নবরূপে ফুটে পুনরায় ।  
ভয়ঙ্কর ভুখে,  
এস নারী অই তব তনুলতা নিষ্পেষিয়া বুকে  
কই মোর রহস্য-বারতা ;  
জন্মে জন্মে এ দেহের প্রতি অণু-পরমাণু মাঝে বহিয়া  
এনেছি যেই কথা,  
সে বাণী সুগন্ধ করিয়া অগণন ফাল্গুনের সুরভি নিঃশ্বাসে,  
রঞ্জিয়া বিচিত্র বর্ণে, সিক্ত করি সঙ্গীতের আনন্দ নির্যাসে,  
রূপে রসে অপকণ করি’  
কই ধীরে,—দেহমন এ জীবন—উঠুক শিহরি !

হে প্রিয়া আমার—  
তবু যদি আরো কিছু রয়ে যায় বাকি,  
অসমাপ্ত যায় কিছু থাকি,  
হাস্তে তব, লাস্তে তব, ছলনায় কৌশলে কলায়,  
সৌন্দর্যের ইন্দ্রজালে মুগ্ধ করি’ ছলাইয়া আবেগ দোলায়  
ধাঁধিয়া কটাক্ষপাতে, বাঁধিয়া অচ্ছেদ্য মায়া-ফাঁসে,  
সমস্ত চেতনা হরি’, মগ্ন করি’ আলিঙ্গনে, কুহক-বিলাসে  
উদ্ভাস্ত করিয়া মোরে করিয়া বিহ্বল,  
লুটে নিয়ো সকল সম্বল ।





যাযাবর হাঁস নীড় বেঁধেছিল বন-হংসের প্রেমে,  
 আকাশ-পথের কোন্ সীমান্তে থেমে ;  
 সে কবে আমার মনে,  
 ডুবেছে বিস্মরণে ।

আজি শুধু তার শূন্য নীড়টি ঘিরি,  
 হতাশ আশার উদাস অলস মৌমাছি মরে ফিরি ।

বেদিয়ার মেয়ে মরু ছেড়ে হ'ল মোতি-মহলের বাঁদী,  
 চঞ্চল চোখ বোরখাতে দিল বাঁধি ;  
 সে কবে আমার মনে,  
 ডুবেছে বিস্মরণে ;

আজি শুধু তার ত্যক্ত জীর্ণ ঘরে,  
 পুরানো স্মৃতির ত্রিহীন শুকানো পল্লব কেঁদে মরে ।

শুকনো চড়ায় সারাদিন করে শকুনেরা কলরব,  
 ঘাটে ভেসে লাগে শেফালি-শিশুর শব  
 আমার পরানে আজি,  
 উৎসব বেশে সাজি,  
 হৃদয়ের পথে কঙ্কালগুলি চলে ।

বাসর-রাতের দীপ নিভে গেছে বিধবা-নয়ন-জলে ।





আর বরষের পখিক-পাখীর পায়ের চিহ্নখানি,  
 নূতন পলিতে ঢাকা পড়িয়াছে জানি,  
 তোমাব মনের চরে ।  
 জানি কভু ক্ষণতরে,  
 স্মৃতির জোয়ার সরাবে না আবরণ ।  
 তোমার আকাশে আমার পাখার বিদায় চিরন্তন ।

উড়ো মেঘে কবে ছায়া করেছিল আমার দক্ষ মরু,  
 বাড়াল একটি শাখা মুমূর্ষু তক ।  
 আজো তারি পথ চাহি,  
 জানি বৃথা দিন বাহি ।  
 স্থলিত পরাগ পুষ্প লবে না তুলি ।  
 বিহ্বলতা ছুঁয়েছে যে তার ভস্ম বাসনাগুলি ।

তবুও মনের বাতায়নে মোর রাখিলাম দীপ জ্বালি ;  
 জীবন নিঙাড়ি স্নেহরস তাহে ঢালি ।  
 চাহিনাক সাস্থনা,  
 অশ্রুতে ভিজাব না,  
 মনের তৃষিত মরুর দারুণ দাহ ।  
 তব পথ-চাওয়া-দীপ-শিখা সনে মোর শেষ উদ্বাহ ।



তৃতীয় প্রহরে চাঁদ উঠেছিল নগর-শিখর ছুঁয়ে ;

তুমি তারি মত মোর 'পরে ছিলে হুয়ে ।

কহ নাই কোন কথা ;

বাণীহীন ব্যাকুলতা,

কেঁপেছিল শুধু নত আঁখি-পল্লবে

কুশ শশাঙ্ক-লেখা সম যবে দেখা দিল মোর নভে ।

সেদিন যে-কথা কহিতে পারনি, আজ কেন বৃথা মন

তাহারি অর্থ খুঁজে মরে অকারণ ।

কেন মিছে ভাবি বসি,

শুখায়েছে যে সরসি

তারি কমলের কি ছিল মর্ম-কোষে ?

প্রভাতী তারার ইসারা খুঁজিতে কেন চাহি এ প্রদোষে ।

জ্যোৎস্নাধারায় আকাশের চোখে আজো যে লেগেছে নেশা ;

কুয়াশায় আজ স্মৃতি ও স্বপ্ন মেশা ।

থাকে যদি মনে থাক,

একটি সজল দাগ,

হারানো রাতের এক ফোঁটা অশ্রু ।


নূতন আঁখির দ্যুতিতে তোমার স্মৃতি হোক স্মমধুর ।

কালো দীঘিজল, তারি সুশীতল মায়া তব ছুটি চোখে ;  
ও দেহে শ্রাবণ-মেঘছায়া ফেলিল কে !

তুমি যেন শর্বরী,  
তারকার স্নেহ হরি'  
নেমেছ আসিয়া নীরবে হৃদয়-তীরে,  
দূর দিগন্তে নভোসীমন্তে আঁকি শশী-লেখাটিরে ।

কুমারী কোরক যে আলোকে জাগে, শ্মিতমুখে তব ক্ষরে ;  
পাখীরা ঘুমায় স্নিগ্ধ তোমার স্বরে ।  
তত্ত্ব লাবণী সনে,  
দেখিয়াছি পড়ে মনে,  
হরিৎ-ধান্ত-ব্যাকুল গ্রামের সীমা,  
কানন-কণ্ঠ-লগ্না নদীর মনোহর ভঙ্গিমা ।

ধুধু প্রান্তর তোমার প্রণয়ে হ'ল ছোট প্রাঙ্গণ ;  
দীপ হতে করে, বহি আকিঞ্চন ।  
তব মমতায় ঘিরে,  
অসীম আকাশ-তীরে,  
সীমার ধরণী গড়ি মোরা অক্ষয় ।  
তুমি আছ তাই গৃহদীপ সনে তারকারা কথা কয় ।



মানুষের মানে চাই—

—গোটা মানুষের মানে ।

রক্ত, মাংস, হাড়, মেদ, মজ্জা,

ক্ষুধা, তৃষ্ণা, লোভ, কাম, হিংসা সমেত—

গোটা মানুষের মানে চাই ।

মানুষ সব-কিছুর মানে খুঁজে হয়রান হ'ল—

এবার চাই মানুষের মানে—নইলে যে সৃষ্টির ব্যাখ্যা হয় না !

এই নিখিল-রচনার অর্থ মানুষের অর্থকে

আশ্রয় ক'রে আছে যে— !

তাই, তোমারও মানে চাই আর আমার ।

দূর নীহারিকায় নব নক্ষত্র যে জন্মলাভ করছে

সেই অর্থের ভরসায় !

সে অর্থ কি মাটিতে লুটিয়ে চলে ?

মানুষের মানে কি কাক্রী-ক্রীতদাস ?—হারেমের খোজা ?

মানুষের মুখ চেয়ে যে পৃথিবীর এই অক্লান্ত আবর্তন !

তার অর্থ কি হিংস্র নখরাঘাতে সৃষ্টি বিদারণ ক'রে চলে

রক্ত লোলুপতার অভিযানে ?

মানুষের মানে কি ল্যাংড়া তৈমুর ?—হুণ আভিলা ?

মানুষের মানে কি শুধু বুদ্ধ ?—শুধু খৃষ্ট ?

তবু কাক্রী-ক্রীতদাসও ত মানুষ—

মানবীর গর্ভ হতেই তৈমুরের জন্ম, বুদ্ধ খৃষ্ট দেবতা ছিলেন না ।

মানুষ কি তাঁর সৃষ্টির মাঝে বিধাতার নিজের জিজ্ঞাসা ?

তাই কি মহাকালের পাতায় তার অর্থ কেবলি লেখা আর

মোছা চলেছে ?



মনে করি ভালবাসব ।

শপথ করি এ জীবন হবে প্রেমের তপস্যা ।

প্রভাতের আলোকে চোখ থেকে বৃকে নিমন্ত্রণ করি ।

মানুষের কোলাহল চলাচল ভালো লাগে ।

—দূর আকাশে চিলগুলি অদৃশ্য বৃত্ত রচনা করে,  
ছোট নদীটির ঘোলাটে জল তার অজস্র জঞ্জাল নিয়ে বয়ে যায়,  
গরু ও মোষের গাড়িগুলি মন্থর ভাবে যাতায়াত করে ;  
কাকের কোলাহল, ফেরিওয়ালার হাঁক, ছুটি ছরস্তু ছেলের ঝগড়া,  
পাখীর ডানার শব্দ শুনতে পাই ।

আমায় ঘিরে জীবনের শ্রোত বয় এবং আমি  
সেই শ্রোতের স্পর্শ হৃদয়ে সানন্দে অনুভব করি ।

আমুক দুর্দিন, মনে করি শপথ রক্ষা হবে ।

প্রিয়ার দৃষ্টি আছে সম্বল, আছে বন্ধুর প্রেম,  
কত জননীর অযাচিত স্নেহ ।

কত দেশে কত অজানা মানুষের চোখে যে দেবতাকে দেখলাম ।

বিদ্রোহ আমি করব না, জীবনকে আমি তিক্তমুখে

অভিশাপ দেব না,

যে শেষ নিশ্বাসটি পৃথিবীকে দিয়ে যাব তাতে বিষ থাকবে না,  
থাকবে শুধু চিরকালের নব সূর্যোদয়ের জন্তে চিরন্তন প্রণতি,  
ক্রাণ ভবিষ্যতের জন্তে স্বাধীন আশীর্বাদ ।

তারপর একদিন জানালা দিয়ে বাইরে চেয়ে দেখি  
আকাশ অন্ধ হয়ে গেছে ;

## সংশয়

মৃত্যু-পথ-যাত্রী প্রিয়া শীর্ণ দুর্বল শিথিল বাহু দিয়ে

আঁকড়ে ধরবার চেষ্টা ক'রে বলে,

“আমি তোমায় ছেড়ে যাব না, আমায় রাখ।”

অসহায় বন্ধু বলে,

“অন্ধকারে তোমার হাত খুঁজে পাচ্ছি না বন্ধু।”

ভাঙা দেওয়ালের ফাটলে একটি ঘাসের গুছি

অনেক দিন জীবনের জগ্নে যুঝেছিল—

প্রতিদিন দেখতাম কী তার প্রাণাস্ত প্রয়াস

একটি পুষ্পিত প্রশাখা প্রসারিত করবার জগ্নে,

একদিন বুঝি একটি ফিকে বেগুনি রঙের ছোট্ট ফুল ফুটেছিল,

কিন্তু মূল তখন দেউলে হয়ে গেছে ;—

সব শুকিয়ে হলুদ হয়ে গেল।

পথ দিয়ে আসতে আসতে দেখি নির্মম শিশুর দল

ক'টা ইঁহরছানা ধ'রে

তাদের বলি দিয়ে উল্লাস করছে—কি সরল পৈশাচিকতা !

সৃষ্টির মূলেই যে নির্বিকার নির্মমতা।

দেখি মৃত্যুর শিয়রে নেওয়া চির-বিলাপের শপথ শাপ হয়ে ওঠে,

শুনি বৃদ্ধ তার যৌবনের প্রেম নিয়ে পরিহাস করছে।

—জীবনকে কি ঘিরে আছে একটি বিপুল প্রচ্ছন্ন বিজ্ঞপ ?



আজ এই রাস্তার গান গাইব,—এই নগরের শিরা উপশিরার ।

এই রাস্তার ধুলির গান !

—তার কঁাকর, তার খোয়া তার পাথরের—

আজ কিছু তুচ্ছ নয় ।

ভাঙা পেরেক ; ঘোড়ার খুরের নাল,

হেঁড়া কাগজ, কাঠি, পাতা, কিছু তুচ্ছ নয় !

আজ এই রাস্তার গান গাইব,

যে রাস্তা গেছে আমার ঘরের পাশ দিয়ে—

তার দিনের জনস্রোতের

তার নিশীথের নির্জনতার,

তার বৈচিত্র্যের, তার চাঞ্চল্যের,

তার অবসাদের, তার একঘেয়েমির !

তার গ্যাসের বাতির কাঁচে প্রভাতে যে আলোটি চুষন করে,

তার টেলিগ্রামের তারে বসে যে শালিকটি দোলা খায়,

যে বৃদ্ধ মুটেটি ঘর্মাক্ত কলেবরে

তার ধুলির ওপর দিয়ে রুদ্ধশ্বাসে মোট বয়ে নিয়ে যায়,

যে ছরস্তু শিশুটি তার ধূলি জমা ক'রে খেলা করে,

পথিকদের বিরক্ত করে ও তাদের তিরস্কারে হাসে,

সন্ধ্যা ও সকালে যে শ্রমিকের দল আনাগোনা করে,

তার কিনারায় একটি জীর্ণ ঘরে

যে পীড়িত বৃদ্ধ সারাদিন গোঁয়ায়—

## রাস্তা

তার জলের কলে যে সব কুলি-যুবতীরা  
জল নেয়, ঝগড়া করে, কৌতুক করে,  
কুটিল দৃষ্টি হানে আর উচ্চ হাস্য করে ।  
সমস্ত দিন ও রাত্রি ধ'রে যত পথিক  
যত কথা কয়ে যায়,  
তার কারখানা থেকে যত কোলাহল শব্দ ওঠে  
যত ধূম ওঠে তার কারখানা-কলের  
আকাশস্পর্শী চিম্নি থেকে ;—  
সব কিছুর ! যত কিছুর !

এ জীবন ধ'রে এই পথটিতে যা কিছু দেখেছি,  
শুনেছি, ভালোবেসেছি,—সব কিছুর গান গাইব ।  
তার সঙ্গে গান গাইব মানুষের  
যে মানুষ পথ সৃষ্টি করেছে,  
মানুষের সঙ্গে মানুষের মেলবার পথ !  
অরণ্যে পথ আছে ।  
স্বাপদেরা যে পথ দিনের পর দিন, যুগের পর যুগ  
তৈরী করেছে বন মাড়িয়ে মাড়িয়ে  
শিকারের চেষ্টায় আর জলের অন্বেষণে  
—মৃত ভূণের পথ !  
সে পথ হিংসার, সে পথ ক্ষুধার, সে পথ কামের ।  
মানুষ প্রথম মৃত লতা-গুল্ম-ভূণের একটি  
অবিচ্ছিন্ন রেখা সৃষ্টি করেছিল—কবে ?—কেন ?  
আমি বলি প্রীতিতে ।



## প্রথমা

যে মানুষ প্রথম পথ সৃষ্টি করেছিল মানুষের সঙ্গে মেলবার জন্তে,  
তাকে নমস্কার !  
সে পথ আরো বিস্তৃত হোক,  
যে পথ মানুষকে বৃহৎ করেছে ।

সমস্ত পথের গান গাইব,  
সোজা ও বাঁকা, সরু আর চওড়া—অশেষ অসীম ।  
কারণ সব পথের মোহানায় যে আমার আসন,  
সব পথ এসে মিলেছে এই আমার মেলায় ।  
যে পথ গেছে উত্তর মেরুতে  
আর যে পথ গেছে দক্ষিণ মেরুতে,  
যে পথ গেছে সাহারায়,  
আর যে পথ গেছে কাঞ্চনজঙ্ঘায় !  
যে পথ গেছে গ্রামান্তের শ্মশানে  
আর যে পথে গ্রহ তারকা চলে,  
আর যে পথ গেছে প্রিয়ার হৃদয়ে—  
আর যে পথ মানুষের হ্রস্ব হ্রাশার—  
আর অসম্ভব কল্পনার !  
আমি পথ সৃষ্টি করি—  
সব পথই আমার ।  
আমি সেই নবসৃষ্টির গান গাইব ।  
আমি শুধু শিলা দিয়ে রাস্তা বানাই না—  
শুধু লোহা ও লকড়ি দিয়ে নয় ।  
শুধু পেশীর বল আর শ্রমের ঘর্ম দিয়ে নয়,  
আমি পথ বানাই মর্ম দিয়ে—প্রাণ দিয়ে ।

## রাস্তা

আমি পথ বানালাম অরণ্য ফুঁড়ে,  
আমি পথ বানালাম পাহাড় চিরে,  
আমি নদী ডিঙিয়ে গেলাম.—আমি সাগর বেঁধে দিলাম,  
বাতাস জিনে নিলাম,  
আমি যুগ থেকে যুগান্তরে দেশ থেকে দেশান্তরে  
মনের সড়ক তৈরী করলাম ।  
আমার তবু থামা হবে না ।  
পথই যে আমার প্রাণ—আমার অসীম পথের পিপাসা ।  
শিশু পৃথিবীর কোন্ অনতিগভীর কবোঞ্চ সাগরে  
আমার প্রথম ক্ষীণ পদচিহ্ন পাবে,  
পাবে অসীম সাগরের বালুকায়,  
তারপর ধরণীর প্রতি স্তরের ধাপে ধাপে আমি  
উঠে এলাম,  
—অসীম অমর জীবানু !  
নিখিলের বিস্ময় !  
দূরতম নক্ষত্রের পথ আমি খুঁজি আজ !

সব পথ-সৃষ্টির একই প্রেরণা ।  
যে পথে পুষ্পের সুগন্ধ মৌমাছিদের নিমন্ত্রণ করতে বেরোয় ;  
আর যে পথে মহাজনদের সওদা আসে নগরের হাটে ;  
যে পথে যাযাবর হংসবলাকা আসে  
আকাশকে শুভ্র পঙ্কের কলহাস্তে সচকিত করে ;  
আর যে পথে পৃথিবীর অন্ধকার জঁঠর হ'তে  
মজুরেরা কয়লা তুলে আনে,

## প্রার্থনা

আর খাতু আর হীরক ..... সে প্রেরণা জীবন ।

এই পথ সৃষ্টিতেই জীবনের সার্থকতা !

এই পথ জীবনকে বৃহৎ করে বৃহত্তর ঘনিষ্ঠতার বন্ধনে ।

নিশ্চিত হ'তে অনিশ্চিত, নীড় হ'তে আকাশে

তার অশেষ অভিযান ।

এই পথ জীবনকে মুক্তি দেয়—অসমাপ্তির অসীমতায় ।

এই পথে জীবনের বন্ধনের ছন্দ ।

এই পথে জীবনের মুক্তির আনন্দ ।



পায়ের শব্দ শুনতে পাও ?  
 নিযুত নগ্ন পায়ের মহাসঙ্গীত !  
 মলিন কোর্তাপরা কারখানার কুলি আসছে আজ অসঙ্কোচে  
 আর রাস্তার মুর্থ মজুর,  
 জাহাজের খালাসী আর পথের মুটে ।  
 বিশ্ব-মানবের মিছিলে আজ মিল্ল এসে  
 এ কোন্ অপ্রত্যাশিত পুত বগ্না !  
 পঙ্কিল ব'লে ঘৃণা করবে আজ কে ?  
 কলুষিত ব'লে কে নাসিকা কুণ্ঠিত করবে ?  
 তফাত যাও !

জরাজর্জর দেহে তাজা রক্তের স্রোত বইল ;  
 বদ্ধজলে মৃত্যুর জীবাণু বংশ বিস্তার ক'রছিল,  
 আজ প্রাণের বিপুল বেগে সাফ হ'য়ে গেল  
 বনেদি জঞ্জাল, সনাতন ধাম্পাবাজি ।  
 রাজপথের ধূলি আজ তাদের নগ্ন সবল চরণ আলিঙ্গন ক'রে  
 ধন্য হ'ল ।

—কলের কুলি আর মাঠের চাষা,  
 রাস্তার মুটে আর কারখানার মজুর ।  
 পাঙ্কি চড়ে চড়ে কার পা পঙ্খ হয়ে গেছে,—  
 আজ ওই নগ্ন সবল পায়ের সঙ্গে পা মিলিয়ে চল ।  
 মাথায় পা দিয়ে দিয়ে কার পা ভারী হ'ল  
 পাপের ভারে—

প্রথমঃ

ওই পথের ধূলায় নামাও সে জার ।

আজ পাঁওদল, চলে নবজাগ্রত ভয়মুক্ত মানবের দল,

তার সাথে পাঁওদল, চলেছেন মানবের দেবতা ।

আজ যদি চোখে জল আসে

সে কি দুর্বলতা ?

ওই কালিমাখা শ্রম-কঠোর বর্মান্ত দেহখানি

আলিঙ্গনের লোভে

বাহু যদি আপনা হ'তে প্রসারিত হয়

সে কি লজ্জার কথা ?

দেবতা যে পাঁওদল চলেছেন ওই

নগ্ন পদ কুলিদের সাথে ভাই—

তিনি যে আজ আহ্বান করেছেন ওই পথের ধূলায় !

—











